

Le karant'an "d'Intrè no"

Autor(en): **Oberson, J.**

Objektyp: **Article**

Zeitschrift: **L'ami du patois : trimestriel romand**

Band (Jahr): **24 (1996)**

Heft 94

PDF erstellt am: **22.07.2024**

Persistenter Link: <https://doi.org/10.5169/seals-243647>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Pages fribourgeoises

LE KARANT'AN " d'INTRÈ NO "

Le demikro 15 dè mé, vèye de l'Achanchyon, l'Amikale di patèjan dè Friboua é di j'alintoua l'a fithå chè karant'an. On pou dre ke nouthra chochiyètå l'è ou bon dè chon tin è in bouna chindå.

No j'an keminthi pè na mècha tsantåye in patê, in latin è on bokon in franché, ou mothi dè Chinte Tréje a Friboua. Chi l'ofitho lè jeu botyatå pè le tsan dè "Nouthra Dona di Mårtèsè".

Po chi l'okajyon no j'an betå chu pi on kà ke Konrad Bongå l'a akchèptå dè diridji, è pu, le kà dou "*Club Alpin*" dè Friboua no j'a bayi on fyê kou dè man. Din chon pridzo in franché, l'Inkourå l'a de di bounè parolè k'l'an fê piéji a l'athinbyåye.

Du la mècha, no no chin ti rètrovå ou kabarè dou "Jura" tinyê pè la famiye Bischofberger, yô "l'apéro" è la marinda chon j'ou chêvi.

A "l'apéro", no j'an rè j'à le pyéji d'oure onkor'on kou le kà dou "*Club Alpin*", è mimamin on "quatuor" dè j'omo. Lè galé d'organijå na fitha chon tsê chu di balè vouê. Outre la véya, le kà di patèjan l'a rè tsantå kotyè konpojichyon d'intche-no. Bin chur, kemin din totè lè fithè l'y a j'à dutrè dichkour di j'invelè. Ma ôtyè k'no j'a rëdzoyi, l'è d'oure nouhrè dou préjidan d'anà. Francis Brodå, din chon bi lingådzo, l'a rè-trachi la ya dè nouthra chochiyètå du cha fondachyon. Po cha pã, Albè Bovigny no j'a gratifiyå don galé "poème" k'la konpojå po la chirkonchtanthe.

Nouthr'amikale l'è jou fondåye in 1956, pè na punya dè j'èmi patèjan. Luvi Refiu, le fe a Tobi di j'élyudzo, n'in dè jou le premi préjidan. Mè chu le thintyimo, apri Francis Brodå, Dzojè Chèdou k'l'è mouå è Albè Bovigny k'm'a pachå lè lachè ou mi dè janvié.

No j'an ouna bal'aktivitå. No fan l'athinbyåye in janvié, on loto ou mi dè févré, on "match" i kårtè ou mi d'avri, na marinda ou mi dè mé, on "pique-nique" ou mi dè jouin, na chayète outre



Intrè no

le tsôtin è na vèya dè patê l'outon. No van chyâ i fithè dè patê in Remandi, in Franthe è in "Italie"

Din nouthra chochiyétâ, no j'an dutrè mantinyâre è dou préjidan d'anâ : Francis Brodâ è Albè Bovigny ke kurtéyon le patê à chubré. No j'an achebin kotyè minbro ke partichipon a ti lè konkour dè patê. Lè j'èmichyon dè patê, totè lè premirè demindzè dou mè, a Radiô-Friboua, chon betâyè chu pi pè Albè Bovigny, d'ayeu lè li k'l'a betâ intrin, l'y a on pâr dè j'an.

Ora, i vudré rèmarhyâ, chin lè nomâ, po nyon oubyâ, ti hou k'chè chon dévouâ po betâ chu pi è animâ ha fitha. Ke ti lè patêjan ôchan le fu chakrà po mantinyi nouthron bi lingâdzo.

Le Président : J. Oberson



De la pâ dè Furboua

Le komitè dou tyinton è lè prèjidan di j'amikalè l'an tinyè chèanthe le 7 dè juin.

L'an aprê ke lè konto chon bin freji, ke bohyon chin balyi pochyin. Dyin achebin ke tsoulyi lè pâ on mô ke lè patêjan i trominton.

Din lè j'amikalè, tsakon betè la dràbya po tsèvanhyi le patê, le fére a tsantâ, betâ téâtre è komèdilyè chu pi, dzulyi ou loto, i kârtè chin oubyâ dè tsurlâ, dè kopâ, dè chindâ, dè tyâ che fô.

Chin ke fô chuto ratinyi, lè:

– le 6 d'oktôbre 96, dâta ratinyète po l'athinbyâye kantonale, ou Chin Dzâtÿa dè Vuthêrnin dèvan Remon.

(le 6 octobre 96, assemblée cantonale des amis du patois, à l'Hôtel St-Jacques, Vuisternens-devant-Romont)

– le konkour èkri ou betâ in bouithèta ke lè organijâ pè la Fédérachion remanda è di kontâ vejenè dè patêjan.